

4

MEDULLA
VARIARUM EARUMQUE
IN
**EPISTOLIS
USITATARUM
FORMULA-
RUM,**

Ex
**Optimis Quibusvis
authoribus, in usum Gy-
mnasi Revaliensis, quod
in Livonia est, col-
lecta.**

Per
HENRICUM ARNINGUM;
in Gymnas. Reval. Rhet. Prof.

Impensis PHILIPPI FUHRMANNI
Bibliopol. Lipsiensis.

JENÆ,
Litteris GEORGII SENGENWALDI,
Anno M. DC. LVIII.

Reverendis plurimū, Clariſſimis, Excellentissimis omnig.
virtute eruditā Præstantiſ-
ſimis.

Dn. SUPERIN-
TENDENTI, PA-
STORIBUS, reliquisque Ver-
bi divini Praeconibus in Ecclesia Reva-
llensi fidelissimis, omnibus & singulis,
Dn. amicis, Affinibus, & in Christo
fratribus reverenter co-
lendis.

EPISTOLA DEDI-
CATORIA.

Pueri, quando arcus
cœlestes, areas circa
solem, aut Lunam Co-
metasvē vident, Magis
delectantur, quām Sole aut Luna
conspœctis: sive quōd natura illis
attribuat, ad magna paulatim per-
veniendum, & in sacris & in hu-
manis rebus ordinem atque insti-
tutum naturæ tenendum; sive
quōd indignum eum absolutō at-
que omni ex parte consummatō
studio spissa illorum judicet ra-
tio, qui non in minorum Diis gen-
tiū præparatum prius, & quasi
in-

informatum animum habeat. Nos, qui puerorum judicio quam proximè accedemus, idem cum illis & tentimus & loquimur: Videlicet, qui styli exercitiò relictò, & fundamentò non probè jactò nill nisi disciplinas crepant, illi aquam in mortario tundunt, & raro vel nunquam ad multijugam literarum cognitionem pervenient. Quid? tanquam Canis è Nilo gustant Musas, & sylvescentem cum corpore maximarum rerum ignorantiam vix ægerrimè exuent. Coeterum ne turpi hòc vitiò & nostri Gymnasii alumni laborarent, haec tenus pro talentu lo nobis divinitùs concessò in exercitii stylo masculè desudavimus, & tam in orationibus quam Epistolis conscribendis, nostri

Gymna-

Gymnasii alumnos sapientius & publicè & privatim exercuimus. Cum autem tacitè breviarium aliquod optare viderentur, & hunc laborem in DEI gloriam & nostri Gymnasii usum, in me suscipere volui, & succinctam medullam variarum formularum Epistolis usitatarum ex variis authoribus excerpere. Hanc verò meam ope llam V. R. C. & Excell. inscribo, partim quod me semper paternò amor e prosecuti estis; partim verò quod sedulam nostri Gymnasii curam habetis, illudq; pie seriis precibus D E O quotidie commendatis. Avobis contendò, ut hanc meam compellationem æquò animo & lubenti accipiatris, libellum verò ipsum sic amplectamini, ut in nominis ve stri

6 Epistola Dedicatoria.

stri authoritate tutò acquiescere possit. Scriptum Revaliae Cal. Jan. atq; sic in ipso auspicio anni à partu Virgineo M. DC. XXXVIII. Cuius ineuntis ingressus, ut Vobis, & Ecclesiæ universæ felix ilucescat, progressus felicior succedat, exitus felicissimus eveniat, Immanuelem nostrum, Servatorem & Salvatorem generis humani unicum, piis votis ac precibus oro & obtestor.

V. R. C. Exc.

observantissimus

Henricus Arning
Osnab. VVestph. & in
Gymn. Revalens.
Rbet. Prof.

IN-

8(7.)80

INDEX CAPITUM.

- Primum caput agit de Epistolarum natura.
II. De Inventione.
III. De Imitatione.
IV. De Dispositione.
V. De Generibus Epistolarum.
VI. De Epistolarum partibus.
VII. De Generis Deliberativi Epistolis,
 & quidem de Suadendi formulis.
VIII. De Dissuadendi formulis.
IX. De Hortandi formulis.
X. De Debortandi formulis.
XI. De Consolandi formulis.
XII. De Petendi formulis.
XIII. De Commendandi formulis.
XIV. De Conciliandi formulis.
XV. De Communicandi formulis.
XVI. De Disputandi formulis.

XVIII.

8(8.)

- XVII. De Mandandi formulis.
 XVIII. De Judicialis generis Epistolis, &
 quidem de expostulandi formu-
 lis.
 XIX. De Querendi formulis.
 XX. De Comminandi formulis.
 XXI. De Demonstrativi generis Episto-
 lis, & quidem de Nunciandi
 formulis.
 XXII. De Gratias agendi formulis.
 XXIII. De Gratulandi formulis.
 XXIV. De Dedicandi formulis.
 XXV. De Laudandi formulis.
 XXVI. De Reprehendendi formulis.
 XXVII. De Jocandi formulis.
 His accedit Titulorum Catalogus.

8(9.)

8(9.)



DE EPISTOLARVM NATURA. CAPUT PRIMUM.



Pistola est quasi mutu-
 us absentium sermo. Di-
 citur & Epistolium: Prisci
 cam dixerunt Literas, Co-
 dicilos, Tabulas, Tabel-
 las. Literas quidem, ob usus excellen-
 tiam: Tabulas & Tabellas, ob chartæ &
 membranarum defectum. Olim enim
 scribere solebant in tabulis buxeis ce-
 ratis, Isid. l. 7. Orig. Hinc Cic. in Catil.
 Introductus, inquit, Statilius, cogno-
 vit manum, & signum suum: recitatae
 sunt tabulae: Codicilos vero, ob Pri-
 scorum consuetudinem, quā amicos
 per literas convenerunt, cū coram a-
 gendi, nec occupationes, nec magni-
 tudo urbis semper occasionem daret.
 Hinc

DE

Hinc Cic. inquit lib. 6. Epist. ad Famil. Simul ut accepi à Seleuco tuo literas, statim quæsvi è Balbo per Codicillos, quid esset in lege.

DE INVENTIONE.

CAPUT II.

Inventio est rerum scribendarum ex-cogitatio. Cujus objectum tām latē pater, ut vix universæ naturæ limitibus circumscribi queat. Quis enim enumerabit varias scribendi occasio-nes? Acquiritur autem multarum rerum usu: juvatur ingenio facilē: perficitur judiciō gravi, nec tām artis est quām prudentiæ.

DE IMITATIONE.

CAPUT III.

Imitatio est mentis cujusdam viva & similitudinaria expressio: Vel, est Styli cujusdam & Phraseologizæ in pro-

prium

prium usum conversio. Nota: In imita-tione diligenter videndum, 1. ut Epis-tolæ (imitandæ quām similiūm e-xemplum tibi eligas. 2. artem, præcep-ta, judicium dextrè adhibeas. 3. ne omnino in verba autoris imitandi ju-res (pigri enim est ingenii contentum esse iis, quæ ab aliis sunt inventa, inquit Quintilianus) sed ut ipsem et inventis addas, & optima mentis cogita pro-mas. 4. Ne omnes tibi imitandos putes, sed qui sunt utiliores & proba-tiores, alias fieri posset, ut juxta Eras-mum, corruptissimi pro optimis aut probatissimis à nobis elegantur. In Ci-cerone habebis sat eloquentiæ, acumi-nis, dispositionis, utpote qui summè studuit, ut quam propriissimè linguam latinam loqueretur. Hinc venustè in-quit Paterculus: Delectari ante Cice-ronem paucissimis, mirari vero nem-i-nem potes, nisi aut ab illō visum, aut qui illum vi-derit.

DE



DE DISPOSITIO.

N.E.

CAPUT IV.

Dispositio est principii, medii & finis congrua positio. Estq; duplex: Vel enim est artificiosa, vel vulgaris. Artificiosa est, quæ juxta artis Rhetoricae præcepta componitur. Hac utimur in rebus magni momenti, utsunt res Religionis, negotia Rerum publicarum; vel etiam quando ad Reges & Princes literæ mittuntur. Vulgaris est, quæ aliquando hallucinatur, & magis phantasiam quam artem sequitur. Hac utimur in rebus quotidianis & domesticis; vel quando ad amicos & familiares literas exaramus &c. Hæc in Adolescentibus: Illa in adultioribus laudatur. Facile tamen dixerim, in omnibus literis artificiosam & aptissimam

par-

partium collocationem adhibendam, nisi scribantur familiarissimis, & sint admodum jocose.

DE GENERIBVS EPI-STOLARVM.

CAPUT V.

Tria sunt Epistolatum genera, ad quæ cætera revocantur: Deliberativum, Demonstrativum & Judiciale. Ad genus Deliberativum referuntur Epistolæ Svasoriæ & Diffusoriæ, Hortatoriæ, Dehortatoriæ, Consolatoriæ, Petitoriæ, Commendatoriæ, Conciliatoriæ, Communicatoriæ, Disputatoriæ, Mandatoriæ, &c.

Ad Genus Demonstrativum referuntur Epistolæ Nunciatoriæ, Gratiarum actrices, Gratulatoriæ, Dedicatoriæ, Laudatoriæ, Reprehensoriæ, Jocosa, &c.

Ad

Ad Genus Judiciale pertinent Epistolæ Accusatoriæ, sive Expostulatoriæ, Querulæ, Minatoriæ, &c.

DE EPISTOLARVM PARTIBUS.

CAPUT VI.

1. **E**ssentiales Epistolæ partes sunt Propositio & Confirmatio: Reliquæ partes possunt aliquando omitti. Et quidem Exordium, cùm eâdem de re ad familiarem sèpè anteà scriptissimus; Narratio, quando circumstantiæ non indigent expositione; Confutatio, quando è dictis adversariorum objectiones facili discretione refutari possunt; Conclusio, quando brevissimi fuimus in Confirmatione; vel ex indignatione filum epistolæ abrumpimus, ut: Hæc tibi dicta sunt. Vale.

2. Quando materia auditu parum jucunda est, utimur insinuatione, hoc est, Exordiò aliquò, ut: Etsi scio, non
ju-

jucundissimum nuntium me vobis al-laturum: Tamen quoniam casus & na-tura in nobis dominatur, visum est fa-ciendum quoquo modo res se haberet, vos certiores ut facerem. Cic. lib. 4. ad Famil. Epist. 12.

3. Exordiò rectò utimur in causâ honesta, ut: Dici non potest, quantum tum me, tum omnes tuos voluptate af-fecerit pulcherrimus rumor, nuper hic de rebus fortiter abs te gestis, exortus.

4. Exordio ex abrupto utimur, quando scribimus ad notos, familiares coætaneos, & qui diu ad nos literas non exararunt, ut: Siccine igitur veterem amicitiam negligis? Vel: Hui, quis te tam virum esse credidisset? Vel: Quin igitur huc revolas, si ita ut scribis, res sefe habet?

5. In responsoriis Epistolis uti-mur vel tali Exordio: Libentissimè legi tuas literas, in quibus jucundissimum fuit, quod cognovi. Item, Accepi li-
K teras

16 De Epistolarum Partibus,

teras tuas quibus erat scriptum. Item
Magnō dolore affecerunt me tuæ lite-
ræ, quibus ad me scribis, &c.

Exordia plerumque sumuntur. 1. à
laude ejus, ad quem scribimus. 2. à signi-
ficatione promptæ de eodem benē me-
rendi voluntatis. 3. à verecundiā & mo-
destiâ nostrâ extenuatione. 4. à causâ
& occasione institutæ scriptionis. 5. à
Gratiarum actione. 6. ab officiorum
commemoratione. 7. à reprehensione
institutæ accusationis. 8. ab indigna-
tione. 9. à repetitione literarum & la-
etitia ex iisdem perceptæ. 10. à latitiae
ex gratulatione perceptæ significatio-
ne. Alia sumuntur aliundæ.

Narratio debet esse brevis & jucun-
da. Sic enim libentius legitur: Diluci-
da, sic facilius intelligitur: Verisimilis,
sic citius probatur.

ENarratione fluit Propositio, quæ
Confirmationis caput est, summam-
que rei, de quâ scripturi sumus, com-
prehendit.

Con-

CAPUT VI.

17

Confirmatio vel ab Honesto, vel ab
Utili, vel Necessario, vel Jucundo, vel
desiderio & voluntate amicorum, vel
Metu damni & periculi, vel Circum-
stantiis personarum, loci, temporis,
vel Exemplō & autoritate aliorum su-
mitur: hoc namque pleraque referri
possunt.

Consuatio aliquando præmitti-
tur, aliquando subjungitur Confir-
mationi; & est, quando id refellimus,
quod vehementer nobis adversari vi-
debatur.

Conclusio continet vel petitio-
nem, vel consiliorum officiorumque
nostrorum pollicitationem, vel suasio-
nis repetitionem, vel causas institutæ
scriptionis, vel præcisionem, vel vo-
tum, ut DEUS approberet ac se-
cundet ab amicō a-
genda.

K 2

DE



**DE GENERIS DELIBERATIVI EPISTOLIS,
ET QUIDEM DE SVADENDI FORMULIS.**

CAPUT VII.

ET si eō te consiliō usum intelligo, ut id reprehendere non audeam; tamen & amicitia nostrā vetustas, & tua summa erga me benevolentia, quæ mihi jam à pueritiā tuā cognita est, mehortata est, ut ea scriberem ad te, quæ & saluti conducere arbitraer, & non aliena esse ducerem à dignitate.

Quanquam te, pro animi tui altitudine, non arbitror monitis & præceptis egere, ut tamen me quoque de tua dignitate cogitare intelligeres, putavi hæc pauca ad te scribi oportere.

Pro ea, quæ tecum mihi constituta est,

est, officii ac vitæ consuetudine, tibi suadeo, & etiam adhortor, ut in eam curam ac cognitionem magnis conatibus incumbas, quæ tibi summam ingenii famam & nominis gloriam afferas.

Vide ergo ne committas in hac optimorum hominum de te exspectatione, in optimâ ætate, in summâ occasione, ut propter pigritiam ipse tibi defuisse, aut propter desperationem gloriae tuæ cursum impedivisse videaris.

Sic tibi persuade, tantam esse apud omnes bonos tui caritatem, ut nullum genus amplissimæ dignitatis ex cogitari possit, quod tibi non paratum sit.

¶(o)¶

K 3.

DE



DE DISSVADENDI FORMULIS.

CAPUT VIII.

SEJUNGE TE; quæso ab illis aliquando, cum quibus te, non tuum judicium, sed temporum vincula conjunxerunt.

Cavendum tibi censeo, ne improborum in te odia semel exstincta incendas; sed potius omnes animi benignitate, omni officio in gratia retineas.

Imprudenter tu quidem & inciviter agis, si in amicitia colendâ eam habes rationem, ut utilitatem potius, quam officia spectare videaris, & proinde in retinendâ amicitia semel constitutâ sis negligentior.

Si prudentis est hominis in loco & tempore ad aliorum se voluntates

con-

30

X

conformare, vide an liberaliter agas, qui ab optimi & fidelissimi hominis gratiâ, nullâ justâ odii causâ impulsus deflectas.

DE HORTANDI FORMULIS.

CAPUT IX.

INcumbe, per DEUM immortalem, in eam curam & cogitationem, quæ tibi summae dignitatem & gloriam afferet.

Illud erat amoris mei, quem à tua pueritiâ suscepimus non servavi solum, sed etiam auxili monere te atq; hortari, ut in rem publicam omni cogitatione & curâ incumberes.

Noli in conservandis bonis viris defatigari, non cupiditate præfertim, aut pravitate aliquâ lapsis, sed opinione officii, stultâ fortasse, non improba.

Quare contendere, quæso, atque la-

K 4

bora,

22 De Hortandi Formulis, CAP. IX.

bora, ut vita tua ea sit ratio, ut eos bonum foveant, tum etiam a te omnem diligentiam, virtutemque & postulent & expectent. Extra jocum moneo te, quod pertinere ad beatè vivendum arbitror, ut te bonis semper, probis ac honestis adjungas socium.

Facies perpetuo, quæ fecisti, ut omnes æquitatem tuam, temperantiam, securitatem, integritatemque laudent.

Te adhorror, ut in eam rationem, in qua multi & honore & gloria moruerunt, incumbas: recorderis, virtute, non infidiae; dignitati non voluptati, laudi denique non otio natum esse.

Si me audies, semper bonorum virorum studiosus eris. Longè enim pulchrius est, bonos imitandò benè audire, quam malos sequendè, apud omnes tandem male audire.

De Dehortandi Formulis, CAP. X. 23

DE DEHORTANDI
FORMULIS.
CAPUT X.

Nolito animum meum debilitare, tum luctu, tum etiam meru commutatae vestrae voluntatis erga me.

Remitte spiritum aculeorum plenum; comprime animum tuum, sedar arrogantiam. Etiam atque etiam cogita, ne te, tuosque omnes funditus evertas; nec te sciens prudensq; eo demittas, unde exitum nullum vides esse.

Cave, ne qua generi ac nomini tuo nota nefariæ turpitudinis inruratur.

Desine bonos petulantissimâ lingua consectari; desine istò procacitatis morbo uti: deniq; desine unum quemque moribus aestimare tuis. His moribus tibi facere amicum non potes, si videris velle inimicum habere.

K5

DE

DE CONSOLANDI
FORMULIS.

CAPUT XI.

Sed ad hæc omnia una consolatio est, quod ea conditione nati sumus, ut nihil, quod homini accidere possit, recusare debeamus.

Meron ratio tua solum, & societas penè ægritudinis: sed etiam autoritas consolatur.

Etsi unus ex omnibus minimè sum ad consolandum accommodatus, quod tantum ex tuis molestiis. cepi doloris, ut consolatione ipse egerem: tamen, eum longius à summi luctus acerbitate meus abesset dolor, quam tuus, statui nostræ necessitudinis esse, meaque in te benevolentia, non tacere tanto in tuo morore ram diu, sed adhibe-

re

CAPUT XI.

re aliquam modicam consolationem, quæ levare dolorem tuum posset, si minus sanare potuisset.

Quod allatura est ipsa diurnitas, quæ maximos luctus vetustate tollit, id nos præcipere consiliò prudentiæ; debemus.

Vacare culpâ magnum est solatium, præsertim cum habeam duas res, quibus me sustentem, optimarum artium scientiam, & maximarum rerum gloriam, quarum altera mihi vivo nunquam eripietur: altera ne mortuo quidem.

Amabo te, advola, & omnes abstergam dolorem.

Fac animo forti, quo in alienis rebus esse soles, nunc in tuis fortunis sis fætendis: neque committas, ut de naturæ statu declinasse videaris.

G

DE

DE PETENDI FOR-
MULIS.

CAPUT XII.

ATe etiam atque etiam pro summa nostrâ conjunctione, pro quæ tuâ in me perpetuâ & magnâ benevolentia majorem in modum peto atque contendô.

Ne me rogantem suppliciter à te rejicias, rogo.

Non audeo vehementius à te contendere, ne aut ipse tuæ perpetuæ consuetudinis erga me oblitus esse videar, aut te oblitum putem.

Non dubitavi id à te per literas petere, quod mihi omnium esset maximum, maximeque necessarium.

Amicitiae nostræ fiducia à te peto, ut absentem me, quibuscumque in rebus opus fuerit, tueare, si nullum offi-

ciuum

CAPUT XII.

cium tuum apud me intermoriturum existimas.

Peto à te hōc diligenterius, quam si mea res esset, quō est honestius, de amicorum pecuniâ laborare, quam de suâ.

Grata mihi est vehementer memoria nostri tua, quam significasti literis, quam ut conserves, non quod de tua constantiâ dubitem, sed quia mos est ita rogandi, rogo.

Si de tua in me voluntate dubitarem, multis à te verbis peterem, ut dignitatem meam tuerere, sed profecto est ita, ut mihi persuasi, me tibi esse curæ.

Si me diligis, si à me diligi vis, ad me literas, ut quamprimum lœtitia afficiar, mittito, & reliquum quod est promissum ac muneris tui, persolvas mihi velim.

Illud quod polliceris, velim pro tua fide diligentiaque, & pro nostra non instituta, sed jam inveterata amicitia cures, enitare, ut supplicatio nobis decernatur. Mequé totum, mea & meos commendatos habebis..

Impedior verecundia, ne te pluribus verbis rogem.

Per nostram te amicitiam oro, ne propter falsas aliorum calumnias tui erga me amoris voluntatisque propensionem abjicias.

Oneris tibi imponere nec audeo quicquam, nec debeo. Hoc tamen à te, si pateris, gratiâ contendô, ut quicquid studio, benevolentia, autoritate efficere poteris, totum id ad rationes meas tuendas conferas.

Peto à te majorem in modū, ut omnibus in rebus, quantum tua dignitas fidesq; patitur, utilitatibus meis servias.

Hoc à te ita postulo, peto, contendô, ut fortunas in eo meas positas putem.

DE COMMENDANDI FORMULIS.

CAPUT XIIIL

Vehementer à te peto, ut eum auctoritate tuâ, quam plurimum vales,
con-

CAPUT XIII.

29

conservatum velis & cures, ut intelligat, hanc meam commendationem maximo sibi apud te adjumento, & ornamento fuisse.

Ita rogo, ut majori studio magisve ex animo petere non possim, ut ei omnibus in rebus, quantum tua fides patietur, commodes.

Commendo eum tibi non vulgari-
ter: sed ita prorsus, ut quos diligentissi-
mè valdeque ex animo soleo.

Pergratim mihi feceris, si intelle-
xero, has literas tantum, quantum scri-
bens confidebam, apud te pondus ha-
buisse.

Gratissimum mihi feceris, si eum ita
tractaris, ut meritô meô mihi gratias a-
gere possit.

Vehementer rogo, ut cures, ut ex
hac commendatione mihi Cuspis,
quam maximas, quam primûm, quam
sæpiissime gratias agat.

Te majorem in modum rogo, ut
Curtii rem meam putas esse, quicquid
meâ

meā causā faceres, ut id Curtii causā cūm feceris, meum existimes. Quod ille per me habuerit, id me habere abste putato.

Gratissimum mihi feceris, si huic commendationi meā tantum tribueris, quantum cui plurimum tribuisti.

DE CONCILIANDI FORMULIS.

CAPUT XIV.

ME tibi omnibus in rebus affixum habebis, neque à me ulla res, quæ ad te pertineat, negligetur.

Consilio, quantum potero, labore, plus penè quāmpotero, excubabo, vigilaboq; pro te.

De mea in te voluntate sic velim existimes, me quibuscunque rebus opus esse intelligam, opera, studio, consilio, rei, famæ, saluti tuæ præsto futurum.

Ego ut debedo, ad tuas me rationes

ad-

CAPUT XIV.

31

adjungam, & ad tuam me voluntatem conformabo.

Quā in re, si tuam mihi declarès benevolentiam, incredibilem tibi amorem, omniaq; summa & singularia studia libenter debebo & præstabò.

Ego quid' possim nescio; illud tamen tibi polliceor, me quæcunq; saluti, dignitatijq; tua cōducere arbitrabor, tanto studio esse facturum, quanto semper tu & studio & officio in meis rebus eris.

Velim tibi persuasum habeas, te mihi charissimum esse, in cuius salute non detrecto omnem meum laborem, omnem operam, curam & studium consumere...

Has literas velim existimes foederis habituras esse vim, non epistolæ; meque ea, quæ tibi promitto & recipio, sanctissimè esse observaturum, diligenterque facturum.

Quare, mi Cicero, persuade tibi, te meum esse, in quo ego colendo patriam constituerim sanctitatem.

DE



DE COMMVNICAN-
DI FORMU-
LIS.

CAPUT XV.

ATQUE utinam primis illis, quas Lūceriā miserās, paruisse: sine ullā enim molestiā dignitatem meam retinuisse.

Ego tuum consilium, propter singularē animi tui de virtutē judicium audire desidero.

Magnoperē te hortor, pro tuo singulari perpetuoque studio in rem pub. ut te ad nos conferas, ut communi consilio reip. afflictæ opem atque auxilium feramus.

Hæc ad te scribo, non ut tu queas demere solitudinem, sed ut cognoscam, ecquid tu ad ea afferas, quæ me conficiunt.

Ma-

Magna de re consultatio mihi suscipienda est, quam tibi literis his expōnere volui, cum corā tecum agendi facultas non concedatur.

DE DISPVTA-
NDI
FORMULIS.

CAPUT XVI.

Quanquam ego non ingrato animo, sed obstinatione quādam sententiae à tuis dissentiam consiliis: Malo tamen prudentiā hīc, quam vel amicitiā, vel consuetudiniis nostræ jacturam aliquam facere.

Tuum mihi omnino quasi pro lapide Lydio judicium debet esse. Nam ut illo purum dignoscitur aurum, ab adulterino; sic apud me de tua facile sententia verum videatur posse falsumque discerni.

Quanquam autem abs te tantæ authoritatis homine provocatio non est;

ta-

34 De Mandandi Formula, CAP. XVII.
tamen pro tua singulari humanitate,
quæso benignè audias, quid ad ista re-
pondeam.

Cupio & de cæteris, quid sentias, au-
dire, tanto majorem tibi quotidie adhi-
biturus gratiam, quanto ab erroribus
me vel sapientius, vel liberius, vel postre-
mò etiam severius vindicaveris.

DE MANDANDI FORMULIS.

CAPUT XVII.

Si qua in re sedulò tuo functus es offi-
cio, fac hoc in negocio omnem si-
dem, industriam, diligentiam, inge-
nium expadias.

Quid agas, & te acturum quid putas,
facito me statim certiorem.

Fac sciam quid agas, quod sine sum-
ma sollicitudine nescire non possum.

Non minimam quidem moram in-
terpones, quin quæprimum iussa mea
exequaris..

To-

De Judic. Gener. Epist. &c. C. XVIII. 35

Totus in eo eris, ut omnibus de re-
bus, me quæprimum certiores fa-
cias.

Si quid erit, quod intersit me scire,
perscribe ad me diligentissime.

DE JUDICIALIS GE- NERIS EPISTOLIS, ET QUIDEM DE EXPO- STULANDI FOR- MULIS.

CAPUT XVIII.

Religionem tu omnem omni flagi-
tio polluisti, dedecore maculasti,
scelere obligasti.

Discipulos tuos dimidio stultiores
reddis, quæ acceperisti: Nihil apud te,
nisi literarum ignorantiam, discunt.

Verbis locupletem te facis, cum ta-
men nihil præter impudentiam habes.

Quæ nota turpitudinis non inusta
vitæ tuæ? Quæ libido ab oculis, quod
faci-

36 De *Judic.* Gener. Epist. &c. C. XVII.
facinus à manibus unquam tuis, quod
flagitium à toto corpore tuo abfuit?
Incredibili scelere hoc scelus cumu-
lasti.

Tibi nulla lex, nulla religio, nullus
existimationis pudor, nullius apud te
gravis autoritas, nullum egregium e-
xemplum, quod sequi velles.

Ciconiæ defessos ætate, & seniø lan-
guentes parentes in humeris deferunt;
Tu verò patrem, cui vitam, cui fortu-
nas, cui dignitatem omnem debes, illi-
beraliter atque impie contemnis.

Nihil turpius, quam eum, cuius
plurimis & necessariis usus sis officiis,
non solùm non colere, sed etiam con-
temnere.

Antonii tanta est non insolentia,
sed immanitas, non modò ut vocem,
sed ne vultum quidem liberum possit
ferre cujusquam.

Ego verò tibi vehementer etiam
irascerer, qui toties tam accurate à no-
bis monitus non auscultaris, nisi pa-

rūs

De Querendi Formul. CAP. XIX. 37
rūm esset humanum, irasci calamito-
so.

Tu adolescentiam, quam virtutis
instituere præceptis, ac tueri singulari
prudentiæ atque integritate debebas,
ad summam stultitiam, nequitiamque
adduxisti.

Quem officiis tuis tueri ac colere
debuisti, eum negligendo ingratus im-
piusque contempsisti.

DE QUERENDI FORMULIS.

CAPUT XIX.

A Misimus, mi Pomponi, non o-
mnem modò succum & sanguinem,
sed etiam colorem & speciem
pristinam civitatis.

O superbiam inauditam, alios in fa-
cione gloriari, aliis ne dolere quidem
impune licere!

o

O miseram, & brevitam celerem & ram variam Reipublicæ commutatio-nem!

De prædio per calumniam eretto graviter angerer, nisi jam animus diu-nurna desperatione ad novum dolorem obduruisseſſet.

Ego & ſæpius ad te, & plura ſcri-rem, niſi mihi dolor meus, cum omnes partes mentis, tum maximè hujus ge-noris facultatem ademifſet.

Ita animus multis malis obſtupuit, ut ſenſu etiam moleſtiæ carere cœpe-rit, quod iſpum eſt omnibus miſerius.

Non Mēdius fidius præ lacrymis poſſum reliqua nec cogitare, nec ſcri-bere.

Sed opprimor interdum, & vix re-fiſto dolori, quod ea me ſolatia defici-unt, quæ ceteris, quorum mihi exem-pla propono, non defuerunt ſimili in fortuna.

Sed hæc omittamus, augemus enim dolorem retractando.

DE



DE COMMINANDI FORMULIS.

CAPUT XX.

Nisi iſtam tuam maledicendi libidi-nem, profuſamque conſtringas ſeurrilitatem, oſtendam eum me eſſe, qui nec dignitatem; neq; nominis ſui e-xiſtimationem, iudibrio tuo oblatam tiatur.

Ego tibi iſtam laſciyam linguam praecidam.

In eam te fortunarum omnium de-ſperationem adigam, ut nullum tibi neque laboris, neque miſeriae, neque periculi perfugium relinquatur.

Obtinendam iſtam tibi, quæ ſe nunc protervè ac petulanter effert, maledi-cendi cupiditatem.

Ex his laqueis ſi te exueris, ac te ali-L quā

quâ vi & ratione explicâris, in plagas majores incidendum est tibi, mortem acerbam crudelemque proponemus.

Permitto aliquid iracundiae tuae, do adolescentiae, cedo amicitiae: sed nisi tibi aliquem modum vitæ constitueris, coges oblitum me nostræ amicitiae habere rationem dignitatis meæ.

Tibi ego confido impendere fatum aliquod, & poenas jam diu improbitati, nequitiae, sceleri, libidini debitas aut instare jam planè, aut certè jam appropinquare.

Noli hac mea nova lenitate abutiri, noli aculeos rationis meæ, qui reconditi sunt, excusso esse arbitrari, noli id putare omnino omissum à me, tibi quæ remissum atque concessum. Erumpere aliquando ex me vera vox, & dicam sine cunctatione quod sentio.



DE DEMONSTRA-TIVI GENERIS EPISTO-LIS, ET QUIDEM DE NUNCIANDI FOR-MULIS.

CAPUT XXI.

FIT plerumque, ut ii, qui boni quid volunt afferre, affingant aliquid, quod faciant id, quod nunciant, lætius.

Summa tua auctoritas fecit, meumque perpetuum de tua singulari virtute judicium, ut magni meæ interesse putarem, & res eas, quas gesfissem, notas tibi esse, & non ignorari à te, quâ æquitate & continentia tuerer socios, provinciamque administrarem.

Scriberem ad te pluribus de rebus s' vereor, ne vel mea diligentia sit molesta vel veritas acerba.

42 De Demonstrat. Generis Epist. &c.

Hæc tibi scripsi, quia æquum erat,
te pro amore mutuo non solum omnia
mea facta dictaque, verum etiam con-
silia cognoscere.

Invicem tu; si quid Epistolâ dignum,
ne graveris scribere. Nam cum aures
hominum novitate vitæ exemplis eru-
dimur.

Isti puer, quem ad te jussi recur-
rere, da ponderosam aliquam Episto-
lam, plenam omnium non modò a-
ctorum, sed etiam opinionem tua-
rum.

Me quotidie aliud ex alio impedit:
sed si me expediero, ut in ista loca ve-
nire possim, non committam, ut te
ferò à me certiorem factum
putem.

• 8(0) •



D E

De Grat. Agendi Formul. CAP. XXII. 43



DE GRATIAS AGENDI
FORMULIS.

CAPUT XXII.

JAM non ago tibi gratias: cui enim
vix referre possum, huic verbis non
patitur res satisficeri.

Etsi nullâ oratione par tuis meritis
gratia haberi potest: malo tamen tuis
beneficiis vinctum me confiteri, quam
eorum, quæ acceperim, dissimulatione
haberi ingratuus.

Quod meam dignitatem quibus
potuisti verbis amplissimis ornasti, ha-
beo gratiam.

Miraris scio, quid sit, quod, cum do-
ctissimam Epistolam cum magnifico
munere ad me dederis, nihil ad te scri-
pserim; Sed tu quid miraris? defue-
runt, si nescis, mihi verba, quibus tibi
meritas agerem gratias, atque hodiè

L 3

de-

44 De Gratias Agendi Form. CAP. XXII.
desunt. Præstat tibi animus quod potest, gratam omnium tuorum in beneficiorum memoriam, vultque tibi deberre quam maximè.

Gratum mihi fuit tuum munuscum, gratiior Epistola tam amica, gratissimus amicus.

Cœteris omnibus vinci me patiar, certe benevolentia mutua non cedam. Nam ut recte dixit Plinius: Vinci in amore turpisimum est.

Ita fato nescio quo contigisse arbitror, ut tibi ad me ornandum semper debetur facultas, mihi ad remunerandum nihil suppetat præter voluntatem.

Quare si mihi vita contigerit, omnes gratas amicitias atque pias propinquitates in tuâ observantia, studio, indulgentia, affiduitate vincam.

Suspecta quædam res est verbis beneficium rependere: Tu si mei in te animi periculum facere velis, aliquid vicissim muneris impone: nullum sarcinam tam gravem, tam molestam injec-

ceris

De Gratul. Formulis, CAP. XXIII. 45
ceris, quæ mihi tua causa non levisima, non etiam jucunda videatur.

Verbulo tantum significato, quo genere officii queam tibi gratum facere: nisi id summâ protinus cum alacritate aggrediar, nomen meum inter ingratos scribe.

Sed ut, unde orsa est Epistola, comedem terminetur, maximas tibi ago gratias, maiores etiam habeo: Nam relaturum me affirmare non possum.

DE GRATVLANDI FORMULIS.

CAPUT XXIII.

EX tuis literis, quibus te consulem declaratum significabas, tantum ceipi voluptatis, quantum te semper amavi.

Hæreditatem amplissinam obvenisse volupe est, te tam certis, tam charis amicis orbatum esse, non nihil doleo.

L 4

Ego

46 De Gratul. Formulis, CAP. XXIII.

Ego absuisse te jam diu à nobis, & dolco, quod carui fructu jucundissima consuetudinis tuæ: Et lætor, quod absens omnia cum maximâ dignitate es consecutus, quodque in omnibus tuis rebus meis optatis fortuna respondet.

Omnes istam tibi excelsam & admirabilem rerum gestarum gloriam gratulantur, perpetuamque tibi fore exoptant.

Cum in suavissimi doctissimique hominis familiaritatem venisti, non dici potest, quam valde gaudem.

Rem tibi ex sententiâ tuâ evenisse, incredibile dictu, quantum læter.

Gratulor tibi, mi Balbe, verèque gratulor: Nec sum tam stultus, ut te usurâ falsi gaudii frui velim, deinde frangi repente, atque ita cadere, ut nulla res te ad æquitatem animi postea possit extollere.

Lucium tibi Generum obtigisse, majorem in modum gaudeo: Speroque & opto,

De Dedicandi Formul. CAP. XXIV. 47

opto, istam conjunctionem tibi & voluptati & ornamento fore.

Scio te illiusmodi ornamenta non desiderasse, & ita existimare, onus, non honorem tibi injectum. At tanto es isto honore dignior, quod delectaris minus, eoque magis virtuti tuæ gratulor.

Quod ex itinere difficilimo, & diuturnâ peregrinatione patriæ sis redditus incolumis, tuo nomine ex animo audeo.


DE DEDICANDI
FORMULIS.

CAPUT XXIV.

AMe munusculum hoc chartaceum habebis, mea in te voluntatis & studii argumentum: Exiguum, inquietus: fateor: sed velim species animalium, non rem.. Muneris tenuitatem, humanitatis tuæ magnitudo sublevabit.

Fecit meum erga te perpetuum studium, & animi propensio quædam eximia, ut, cùm haberem clarissimos viros, & multos, quibus nuncupationem operis hujus, ob eorum in me officia deberi meritò cognoscerem: Nulli tamen me maluerim hunc meum laborem, quām tibi esse dicatum.

Obnixè rogo, Fautor modis omnibus observande, ut hæc quantulacunque, quā soles benignitate accipere, non tam rem ipsam, quæ sanè perexigua est, quām offerentis animum voluntatemque perpetuam spectare, labore, observantiamque meam aduersus hominum injurias defendere non dedigneris.



DE



DE LAVDANDI FORMULIS. CAPUT XXV.

Est in Democrito summa probitas, summa virtus, summa in hospites liberalitas & observantia; meq; præ cæteris & colit & observat & diligit.

Res à te gesta memorabilis & penè cœlestis repellit omnes reprehensiones, quippe quæ ne laude quidem satis dignâ & idoneâ affici potest.

Omnis qui isthinc veniunt, ita de tua virtute, integritate, humanitate commemorant, ut in tuis summis laudibus excipiunt unam iracundiam.

Finxit te ipsa natura ad honestatem, gravitatem, temperantiam, magnitudinem animi, justitiam, ad omnes deniq; virtutes magnū hominem & excelsum.

Te quibus laudibus efferam? quibus

L 6

flw

studiis prosequar? quâ benevolentia
consequar?

Ad labores hic impiger, ad pericula
fortis, ad usum, ad disciplinam peri-
tus, ad consilia prudens, ad casus for-
tunamque felix.

Tuam Laudem obscuratura nulla
unquam est oblivio.

Vagatur nomen tuum longè latè-
que: sedem quidem stabilem, domici-
lium non habet.

Hic non solum eorum hominum,
qui nunc sunt, gloriam: sed etiam anti-
quitatis memoriam, virtute superavit.

Quæ est ora, quæ sedes, qui locus, in
quo non existent hujus cum fortitudi-
nis, tum verò humanitatis, tum consi-
lli impressa vestigia?

Brutus vindex libertatis, custos salu-
tis communis, subsidium afflictæ reip.
conservator patriæ.

Virum bonum, magnum hominem &
in summâ magnitudine animi, multâ
humanitate temperatum perdidimus.

DE



DE REPREHEN- DENDI FORMU- LIS.

CAPUT XXVI.

Hanc teterimam beluam quis ferre
potest? quid est in eo præter libi-
dinem, crudelitatem, perulantiam, a-
varitiam, audaciam: ex his totus con-
glutinatus est: Nihil apparet in eo in-
genuum, nihil moderatum, nihil pru-
dens, nihil pudens, nihil pudicum.

Nulla turpitudinis est nota, quæ
non hujus pecudis inusta sit vitæ: nul-
lum animi vitium, quo non mens ejus
oppressa sit: nullum flagitiæ dedecus,
quod non famæ ejus inhæreat.

Mulier perditâ nequitia, effusa libi-
dine, insatiabili cupiditate, arte qua-
dam ad voluptates adolescentiolorum
excitandas accommodata.

L 7

Nul-

52 *De Reprehend. Formulae, CAP. XXVI.*

Nulla hujus in consiliis prudentia, nulla in amicitia fides, nulla in rebus publicis dignitas, sed onania stupore animi atque amentia sunt contaminata.

Homo inops ab omni existimatio-
ne, amicorumque commendatione, in
omni dedecore volutatus.

Omnis hujus labor, cogitatio, o-
mnes sensus, in obtrectationem famæ
alienæ, dignitatisque oppressionem
sunt converti.

Homo sine spe, sine fide, sine fortu-
nis, ore, lingua, manu, vita omni inqui-
natus.

Nullalibido ab hujus corpore, nulla
vis à manibus, nullum flagitium à tur-
pissimis sceleratissimisque ejus factis
absuit unquam.

Homo omnis turpitudinis exem-
plum, dedecus adolescentiæ, probrum
juventutis, ludibrium senectutis, ple-
nus stupri, plenus contentionis,
plenus inconsideratissima
temeritatis.

De Jocandi Formulae, CAP. XXVII. 53



DE JOCAN DI FOR-
MULIS.
CAPUT XXVII.

VEllem me ad coenam invitasses, re-
liquiarum nihil fuisset. Nunc me
reliquiae vestræ exercent.

Etsi tu edentulus, mi' Scala; tua ta-
men fuerat dentata epistola, sensi equi-
dem. Nam penè morsu me fregit, & pe-
percitilla tamen nonnihil. Atque ita
mecum lusit, ut ursa interdum cum ca-
tello solet. Stultus ego, qui non statim
veterano, toties coronato, cessi, videli-
cet tirunculus adhuc.

Sic vivitur: quotidiè aliquid legi-
tur, aut scribitur: deinde ne amicis ni-
hil tribuamus, epulamur unà. Quare
nihil est quod adventum nostrum exti-
mescas: non multi cibi hospitem acci-
pies, sed multi joci.

Do-

Doles, quod amicus in disputatione te vicerim, dolere non debes. Nam si sunt amicorum communia omnia, non magis, quam tu, vicit ego, nec minus ego, quam tu vicitus. Sed tu fortasse doles, quod hac amicorum lege, nec ego planè sum vicit, qui te vici.

TITVLORVM CATALOGUS.

§. 1.

Illustri, Præcelso & Generosissimo Domino, Dn. AXELIO OCHSEN-STIRN. Libero Baroni in Chymito, Domino in Vleholm & Thode &c. E-
quitii Aurato, S. R. Mtis Regnique Sue-
ciæ Consiliario & Cancellario, Supre-
mo Judicii Provinciali in Westerord-
land & Lappennmarkt/ Evangelici foede-
ris p. t. Directori in Germania felicissi-
mo &c. Domino suo Gratiissimo.

§. 2. II-

§. 2.

Illustri & Generoso Domino, Dn.
Philippo à Scheidingh, Domino in
Schedewy & Arnoo &c. S. Regni Sue-
ciæ Senatori, per Esthoniæ Guberna-
tori, Judicij Regii apud Dörpatenses
Præsidi, & Regiæ Academiæ Gustavia-
næ ad Embeccam Cancellario Magni-
ficentissimo &c. Domino suo Gratiose.

§. 3.

Strenuo, Nobilissimo, Polemica-
rumque virtutum laude Clarissimo Vi-
tro, Dn. N. N. Hæreditario in N. &c.
per Esthoniæ Senatori, & S. Regni
Sueciæ Duci fortissimo &c. Mecenat.
suo Magno.

§. 4.

Viro admodum Reverendo, Clarissi-
mo & Excellentissimo Domino Johanni
Gerhardo, SS. Theologiæ Doctori exi-
mio & ejusdem in Academia Jenensi
Professori primario.

§. 5.

§. 5.

Reverendo plurimum & Clarissimo Viro Domino M. Petro N. Ecclesiæ N. Pastori, & vicinarum Superintendenti vigilantissimo.

§. 6.

Reverendo & Clarissimo Viro Domino M. Thomæ N. Ecclesiæ M. Pastori vigilantissimo.

§. 7.

Clarissimo & Excellentissimo Viro, Domino M. Theodoro N. Gymnasi N. Rectori dexterissimo & Celeberrimo.

§. 8.

Clarissimo & Præstantissimo Viro, Domino Christophoro N. Gymnasi N. Professori dignissimo.

§. 9.

Præstantissimo & Doctissimo Viro Domino Eberhardo N. Scholæ N. Collegæ dignissimo.

§. 10.

Nobilissimo, Amplissimo, Prudentissi-

Titulorum Catalogus.

57

tissimoque Domino Johanni N. Reipublicæ N. Consuli dignissimo.

§. 11.

Clarissimo & Consultissimo Viro Domino Henrico N. J. I. D. & Reipublicæ N. Syndico Clarissimo.

§. 12.

Prudentissimo & Gravissimo Viro Domino Jodoco N. Reipublicæ N. Senatori dignissimo.

§. 13.

Consultissimo & Spectatissimo Viro Domino Johanni N. Reipublicæ N. Secretario fidelissimo.

§. 14.

Integerrimo, longaque rerum experientia exultissimo Viro, Domino Frederico N. Civitatis N. Civi & Negotiatori primario.

§. 15.

Præstantissimâ eruditione, multaque Experiencia Clarissimo Viro Domino Joachimo N. Reipublicæ N. Medico fidelissimo.

§. 16. Vi-

§. 16.

Viro Præstantissimo, divinisque ingenii frugibus in Arte Musica abundantissimo, Domino Hermanno N. Musico N. Celebratissimo.

§. 17.

Viro omni virtute & candore Præstantissimo, Domino Johanni N. Mercatori N. fidelissimo.

§. 18.

Insigni eruditione & virtute conspicuo Viro, Domino Michaëli N. Consistorii N. Advocato dignissimo.

§. 19.

Præstantissimo & Doctissimo Viro Juveni, Domino Henrico N. Theologæ Studioso solertissimo, & populari suo suavissimo.

§. 20.

Viro Virtute & Eruditione Præstantissimo Dn. Johanni N. SS. Theol. Studioso indefesso, Fautori & amico suo plurimum suspicioendo.

§. 21.

§. 21.

Virtutum politicarum, & studitio-
nis laude decoratissimo Viro Juveni
Dn. Christophoro N. LL. Studioso in-
dustrio.

§. 22.

Ornatissimo & Optimo Juveni Jo-
hanni N. Artium & Linguarum Stu-
dioso indefesso.

§. 23.

Generosæ indolis Adolescentulo Si-
gismundo, N. Eloquentiæ Studioso
maximè industrio.

§. 24.

Ingenioso, summaeque diligentia
Adolescenti Petro N. Amico suo di-
lecto.

§. 25.

Insignioris & Indolis & Expectatio-
nis Adolescenti Ludovico N. Amico-
rum suorum candidissimo.

§. 26.

Optimo Literarumque avidissimo Ado-

60 *Titulorum Catalogus.*

Adolescenti Johanni N. Amico suo
plurimum honorando.

§. 27.

Ingenuo & Optimæ Spei Puerο
Bernhardo N. amico singulariter dilec-
to, hæ literæ tradantur.

§. 28.

Eximiætum indolis, tum etiam vir-
tutis Puerο Georgio, N. Condiscipulo
suo medullitūs dilecto.

§. 29.

Claris orto natalibus Puerο Johanni
N. Contubernali suo animitus dilecto.

§. 30.

Bonæ spei Puerο, Henrico N. Lite-
rarum Candidato.

F I N I S.

